



ԵՐԵՎԱՆԻ ՔԱՂԱՔԱՊԵՏԱՐԱՆ

ՈՐՈՇՈՒՄ N° Վ- 21/44

«ՎԱՐՉԱԿԱՆ ՏՈՒՅԺ ՆՇԱՆԱԿԵԼՈՒ ՄԱՍԻՆ»

ք. Երևան

«30» Մայիսի 2023թ.

1. Վարչական իրավախախտման վերաբերյալ գործի նկարագրությունը.

Երևան քաղաքի Նոր Նորք վարչական շրջանի ղեկավարի աշխատակազմի աշխատակից Յ. Խաչատուրյանի կողմից 07.04.2023 թվականին հայտնաբերվել է Վարչական իրավախախտումների վերաբերյալ օրենսգրքի (հետայսու՝ Օրենսգրք) 43.1-րդ հոդվածի 10-րդ մասով նախատեսված վարչական իրավախախտում, մասնավորապես՝ քաղաքացի Արծրուն Յուրայի Աբրահամյանի նկատմամբ «Վարչական տույժ նշանակելու մասին» 25.10.2022 թվականին N Վ-43/51 որոշմամբ տուգանք նշանակվելուց հետո, մեկ տարվա ընթացքում քաղաքացի Արծրուն Յուրայի Աբրահամյանի կողմից Երևան քաղաքի Բազրևանդ թաղամասի հ. 16/1 հասցեի հարակից տարածքում՝ չսահմանված ու չնախատեսված տեղում կրկին թափվել է մինչև մեկ խորանարդ մետր ծավալով շինարարական աղբ, որի վերաբերյալ 07.04.2023 թվականին կազմվել է թիվ Ա-002267 վարչական իրավախախտման վերաբերյալ արձանագրությունը (հետայսու՝ արձանագրություն):

Որպես իրավախախտման փաստը հաստատող ապացույց, իրավախախտման հայտնաբերման պահին լուսանկարվել է իրավախախտման վայրը:

Հայտնաբերված իրավախախտման փաստով Երևանի քաղաքապետարանի նախաձեռնությամբ հարուցվել է վարչական վարույթ:

Քաղաքացի Արծրուն Յուրայի Աբրահամյանը ծանուցված լինելով 30.05.2023 թվականին կայանալիք գործի քննության տեղի և ժամանակի մասին՝ չներկայացավ, ուստի Օրենսգրքի 267-րդ հոդվածի 1-ին մասի համաձայն գործը քննվեց վերջինիս բացակայությամբ:

2. Գործի լուծման համար էական նշանակություն ունեցող ապացույցները.

Գործի քննության ընթացքում՝ որպես մեկ համակցություն, հետազոտվեցին արձանագրությունը, վարչական իրավախախտման վերաբերյալ 25.10.2022 թվականի N Վ-43/51 գործը, Հայաստանի Հանրապետության ինտերնետով ծանուցման պաշտոնական «azdarar.am» կայքից կատարված քաղվածքները և իրավախախտման հայտնաբերման պահին կատարված լուսանկարը:

3. Գործի քննությունն իրականացնող իրավասու պաշտոնատար անձի ներքին համոզմունքներով ձևավորված պատճառաբանությունները և եզրահանգումը.

Գործի փաստական հանգամանքների և դրանում առկա բոլոր ապացույցների բազմակողմանի, լրիվ և օբյեկտիվ հետազոտման արդյունքում պարզվեց և հիմնավորվեց, որ քաղաքացի Արծրուն Յուրայի Աբրահամյանի նկատմամբ «Վարչական տույժ նշանակելու մասին» 25.10.2022 թվականին N Վ-43/51 որոշմամբ տուգանք նշանակվելուց հետո, մեկ տարվա ընթացքում՝ 07.04.2023 թվականին քաղաքացի Արծրուն Յուրայի Աբրահամյանի կողմից Երևան քաղաքի Բազրևանդ թաղամասի հ. 16/1 հասցեի հարակից տարածքում՝ չսահմանված ու չնախատեսված տեղում կրկին թափվել է մինչև մեկ խորանարդ մետր ծավալով շինարարական աղբ:

Քաղաքացի Արծրուն Յուրայի Աբրահամյանի կողմից թույլ է տրվել Օրենսգրքի 43.1-րդ հոդվածի 10-րդ մասով նախատեսված վարչական իրավախախտում:

Հաշվի առնելով, որ քաղաքացի Արծրուն Յուրայի Աբրահամյանը չի ներկայացել գործի քննությանը, որի շրջանակներում հնարավորություն ուներ ներկայացնելու բացատրություններ և պարզաբանումներ՝ իրավախախտման հետևանքների վերացրած լինելու մասին, որի վերաբերյալ չի ներկայացրել նաև որևէ գրավոր դիրքորոշում, իսկ վարչական մարմինն իր միջոցներով հնարավորություն չի ունեցել ձեռք բերել այնպիսի փաստական հանգամանքներ, որոնք քննարկվող գործի նկատմամբ առավելապես կարող էին ունենալ զանցանքը մեղմացնող վարչական մարմնի հայեցողական լիազորության իրացման համար, ինչպես նաև հետազոտելով գործում առկա բոլոր նյութերը, և այն հանգամանքը, որ քաղաքացի Արծրուն Յուրայի Աբրահամյանը նախկինում նույն՝ Օրենսգրքի 43.1-րդ հոդվածի 3-րդ մասի 8-րդ կետով ենթարկվել է վարչական պատասխանատվության («Վարչական տույժ նշանակելու մասին» 25.10.2022 թվականին N Վ-43/51 որոշում), հետևում է, որ տվյալ դեպքում առկա է Օրենսգրքի 34-րդ հոդվածի 1-ին և 2-րդ կետերով նախատեսված վարչական իրավախախտման համար պատասխանատվությունը ծանրացնող հանգամանքները:

4. Վարչական ակտ ընդունելու իրավական հիմքերը.

Օրենսգրքի 9-րդ հոդվածի համաձայն՝ վարչական իրավախախտում (զանցանք) է համարվում պետական կամ հասարակական կարգի, սոցիալիստական սեփականության, քաղաքացիների իրավունքների և ազատությունների, կառավարման սահմանված կարգի դեմ ոտնձգվող հակաիրավական, մեղավոր (դիտավորյալ կամ անգզույշ) այնպիսի գործողությունը կամ անգործությունը, որի համար օրենսդրությամբ նախատեսված է վարչական պատասխանատվություն:

Սույն օրենսգրքով նախատեսված իրավախախտումների համար վարչական պատասխանատվություն առաջանում է, եթե այդ խախտումները իրենց բնույթով քրեական պատասխանատվություն չեն առաջացնում գործող օրենսդրությանը համապատասխան:

Օրենսգրքի 43.1-րդ հոդվածի 3-րդ մասի 8-րդ կետի համաձայն՝ մինչև մեկ խորանարդ մետր ծավալով շինարարական աղբ թափելը՝ առաջացնում է տուգանք ֆիզիկական անձի նկատմամբ՝ նվազագույն աշխատավարձի քսանապատիկից երեսնապատիկի չափով, իսկ իրավաբանական անձի նկատմամբ՝ նվազագույն աշխատավարձի վաթսուներկուապատիկից ութսուներկուապատիկի չափով:

Օրենսգրքի 43.1-րդ հոդվածի 10-րդ մասի համաձայն՝ 3-8-րդ մասերով սահմանված իրավախախտումները վարչական տույժ նշանակելու օրվանից հետո՝ մեկ տարվա ընթացքում, կրկին կատարելը՝ առաջացնում է տուգանքի նշանակում՝ տվյալ արարքի համար սույն հոդվածով նախատեսված տուգանքների չափերի կրկնապատիկի չափով:

Ելնելով վերոգրյալից և ղեկավարվելով Օրենսգրքի 23-րդ հոդվածի 1-ին մասի 2-րդ կետով, 34-րդ հոդվածով, 43.1-րդ հոդվածի 10-րդ մասով, 219.1-րդ, 252-րդ, 281-րդ և 282-րդ հոդվածներով, «Վարչարարության հիմունքների և վարչական վարույթի մասին» օրենքի 29.1-րդ հոդվածով Երևանի քաղաքապետի 30.05.2022 թվականի թիվ 1986-Ա որոշմամբ՝

ՈՐՈՇԵՑԻ

1. Քաղաքացի Արծրուն Յուրայի Աբրահամյանին Օրենսգրքի 43.1-րդ հոդվածի 10-րդ մասով ենթարկել վարչական պատասխանատվության՝ նշանակելով վարչական տույժ 60.000 ՀՀ դրամ գումարի չափով:

2. Օրենսգրքի 305-րդ հոդվածի համաձայն տուգանքը պետք է վճարվի սույն որոշումն իրավախախտում կատարած անձի կողմից ստանալուց ոչ ուշ, քան տասնհինգ օրվա ընթացքում՝ կենտրոնական գանձապետարանի N 900035050302 հաշվեհամարին:

3. Սույն որոշումը կարող է բողոքարկվել վարչական կարգով՝ որոշումն ուժի մեջ մտնելուց հետո երեսուն օրվա ընթացքում, իսկ դատական կարգով՝ երկամսյա ժամկետում:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ
ՊԵՏՐ ՏԵՂԱԿԱՆ



ԱՐԱՄ ՄԱՐՏԻՐՈՍՅԱՆ